

DAVLAT MOLIYASINI BOSHQARISH ISLOHOTINI TAKOMILLASHTIRISH

Toshkent Davlat Iqtisodiyot Universiteti

Mt-91 guruh talabasi

Qahramanova Xusnora

ANNOTATSIYA: Davlat moliyasini boshqarishni isloh qilishning asosiy yo‘nalishlaridan biri – mamlakatda davlat budgeti g‘azna ijrosi mexanizmini joriy qilishdan iborat. “Davlat budgetining g‘azna ijrosi to‘g‘risida”gi O‘zbekiston Respublikasi Qonunining ishlab chiqilishi va qabul qilinishi davlat mablag‘larini taqsimlash va ulardan foydalanishni tartibga solishda navbatdagi muhim qadam bo‘ldi. G‘aznachilikni joriy etish budgetning daromadlar qismida tushumlarning to‘liq va o‘z vaqtida tushishini va xarajatlar qismida budget mablag‘larining maqsadli sarflanishing nazoratini kuchaytirish va pul oqimlarini samarali boshqarish imkonini berdi.

KALIT SO’ZLAR: Davlat moliyasi, Ma’muriy islohot, Samarali texnologiya, Budgetni ijro etish, Budgetning mustaqilligi, Fuqarolik xartiyalari.

Ma’muriy islohot va davlat xizmati islohotini samarali amalga oshirish islohotlar jarayoni bilan bir vaqtda davlat organlari faoliyatining iqtisodiy mexanizmini takomillashtirishni taqozo etadi. Bunday takomillashtirishning bosh maqsadlari, birinchidan, samaradorlik yoki unumdoorlikni oshirish, ya’ni davlat organlarining funktsiyalarini bajarishga xarajatlarni qisqartirish, davlat xizmatlarining sifatini saqlab qolgan yoki yanada yaxshilagan holda ularni arzonlashtirish, ikkinchidan, davlat xizmatida faoliyatni doimiy yaxshilashning ichki rag‘batlarini yaratish, shu jumladan, tashkiliy jihatdan rivojlanish hamda ish texnologiyalarini optimallashtirishdir. Ma’muriy islohot doirasida qo’llanilgan yangi iqtisodiy mexanizm unga lozim darajada faol tus berish va ijtimoiy ehtiyojlarni qondirishga yo‘naltirish, uning o‘zini-o‘zi rivojlantirishini ta’minlashga qodir.

Hozirgi vaqtda O‘zbekistonda Davlat moliyasini boshqarish islohotining 2007-2018 yillarga mo‘ljallangan strategiyasi qabul qilingan va uni amalga oshirish uchun zarur bo‘lgan davlat dasturi tayyorlanmoqda, ma’muriy islohot yo‘nalishlari aniqlanmoqda. Mazkur islohot, agar u davlat organlari faoliyatini boshqarish, rejalashtirish, budgetlashtirish va mazkur faoliyatga baho berish islohotlari, ya’ni davlat boshqaruvi iqtisodiy mexanizmini isloh qilish bilan birga amalga oshirilsa, yanada samaraliroq bo‘ladi.

Ma’muriy islohot va davlat xizmati islohotini iqtisodiy qo’llab-quvvatlash, budgetlashtirishning samarali modelini amalga joriy etish uchun yaqin kelajakda vazifalar majmuuni echish talab etiladi. Chunonchi, budget loyihasini tayyorlash

texnologiyasini o‘zgartirish lozim. U ayrim idoralarning smetalarini hisoblashdan emas, balki ijtimoiy ehtiyojlar tahlili, milliy miqyosdagi ustuvor vazifalarni belgilash, shu asosda dasturlar va funktsiyalar bo‘yicha budgetdan ajratiladigan mablag‘larning uzoq muddatli limitlarini aniqlashdan boshlanishi lozim.

Samarali texnologiya quyidagicha bo‘lishi mumkin. Hukumat budget mablag‘larining asosiy tasarrufchilari sanalgan davlat organlarining har biriga budgetdan ajratiladigan mablag‘larning limitlarini (eng ma’quli – 2-3 yilga) belgilaydi. Bu organlar o‘z oldiga qo‘yilgan eng muhim vazifalardan kelib chiqib olingan limitlarni o‘ziga bo‘ysunuvchi budget oluvchilar o‘rtasida, shuningdek, o‘z budgetini tashkilot bo‘linmalari (boshqarmalar, departamentlar) o‘rtasida taqsimlaydi. Bo‘linmalar budgetdan ajratilgan mablag‘larni quyi turuvchi bo‘g‘inlar (bo‘limlar) o‘rtasida taqsimlaydilar.

Tarkibiy bo‘g‘inlarning har biri olish kutilayotgan mablag‘larning limitlariga muvofiq o‘z ish rejasining variantlarini tuza boshlaydi. Bunda ular asosiy e’tiborni pirovard natijalarni asoslashga, faoliyat unumdarligini oshirishga, mablag‘larni tejash imkoniyatlariga qaratadilar. Rejalar pastdan yuqoriga bir necha variantlarda taqdim etilishi mumkin. Masalan, budgetdan ajratiladigan mablag‘larning limitlariga muvofiq keluvchi reja va ko‘proq mablag‘larni talab etuvchi, lekin pirovard natijalar hamda unumdarlik sezilarli darajada oshishini ta’minlovchi reja.

Tobe bo‘linmalarining “reja to‘plamlari”ni rahbariyat tomonidan tashkilotning eng muhim vazifalari nuqtai nazaridan ko‘rib chiqish budgetlashtirishning navbatdagi bosqichida budgetdan ajratilgan mablag‘larning limitlarini qayta taqsimlash imkoniyatini beradi. Bu budget jarayoni darajalarining har birida budget loyihasini tayyorlash chog‘ida yuz berishi mumkin.

Jahon miqyosidagi muhim vazifalarga muvofiq keluvchi aniq va samarali faoliyat dasturlari yo‘qligi ayrim idoralarni, ularning doirasida esa – ayrim bo‘linmalarni moliyalashtirishni qisqartirish shartiga aylanishi lozim.

Ayrim idoralar uchun budgetdan ajratiladigan mablag‘larning limitlari bilan bir qatorda ular faoliyatining unumdarlik ko‘rsatkichlari belgilanishi lozim. Bunday ko‘rsatkichlarni tanlashda ular muayyan idora ishiga amalda bog‘liq va uning nazorati ostida ekanligiga ishonch hosil qilish kerak. Unumdarlik ko‘rsatkichlari verifikatsiyalanuvchan bo‘lishi, ya’ni statistik hisobotga kirishi yoxud qonun yo‘li bilan yoki normativ belgilangan boshqa taomillarga muvofiq aniqlanishi lozim.

Bu ko‘rsatkichlar ham hukumatning navbatdagи budget davriga mo‘ljallangan majburiyatlar bilan bog‘lanishi va ularni muayyanlashtirishi lozim. Moliyaviy majburiyatlar bilan bir qatorda, unumdarlik ko‘rsatkichlari budget hujjalarda normativ-huquqiy mustahkamlanishi va budget bilan bog‘lanishi lozim.

Masalan, Buyuk Britaniyada natijalarning ko‘rsatkichlari, davlat xizmatlari hajmi va sifati standartlari Fuqarolik xartiyalarida belgilanadi. Hukumat organlari va

muassasalari ularda fuqarolarga ijtimoiy ne'matlar va xizmatlarning muayyan darajasini, tanlash va raqobat imkoniyatini, davlat xarajatlar dasturlarining oshkoraligi va ijtimoiy samaradorligini ta'minlash majburiyatini oladilar. Majburiyatlardan tashqari xartiyalarda standartlarga rioya qilinmagan holda jarima sanktsiyalari va mijozlarga tovon to'lash belgilanadi.

Shvetsiyada natijalarning ko'rsatkichlari va ayrim davlat organlarining budgetlari tartibga solish xatlari shaklida tasdiqlanadi. Xatlarda qayd etiladigan natijalarning ko'rsatkichlari Vazirlar Mahkamasi a'zolarining ayrim milliy xizmatlar va idoralarning rahbarlari bilan muloqoti jarayonida budgetdan ajratiladigan mablag'lar rejalarini tayyorlash bilan bir vaqtda shakllantiriladi.

Navbatdagi 2-3 yilga belgilanadigan budgetdan ajratiladigan mablag'larning uzoq muddatli limitlari (balki budgetning ayrim yaxlitlangan limitlari) va unumdonlikning belgilangan indikatorlari doirasida davlat organlarining rejali, moliyaviy va operatsion mustaqilligi kengaytirilishi, bu moliyaviy faoliyat amalda markazlashtirishdan chiqarilishini va davlat boshqaruvi quyi bo'g'inlarining javobgarligi kuchaytirilishini anglatishi lozim.

Davlat organlarining rejalari to'laligicha ular uchun belgilangan natijalarga erishishga, budgetlarni ishlab chiqish esa vujudga kelgan tashkiliy tuzilmaga emas, balki muayyan funktsiyalar, xizmatlar va faoliyat turlarini ta'minlashga qaratilishi lozim. Faoliyat turlari bo'yicha xarajatlar hisob-kitobi (activity-based costing) va faoliyat turlari bo'yicha boshqaruv (activity-based management) kabi yangi instrumentlarni qo'llash keraksiz va iqtisodiy jihatdan samarasiz vazifalarni aniqlash, demak, faoliyatning samaradorlik darajasini oshirish imkoniyatini beradi. Ulardan foydalanishdan mutlaqo kutilmagan samaraga erishilishi mumkin. Masalan, o'tgan asrning 90-yillari oxirida Melburn shahrining pochta xizmatini ta'minlash xarajatlarini tahlil qilishda umumiy xarajatlarning 92 foizini mijozlarning ehtiyojlari bilan umuman bog'liq bo'lman jarayonlarni tashkillashtirish xarajatlari tashkil etgani aniqlangan.

Budgetni ijro etishda davlat organlari xarajatlar tuzilmasini tezkorlik bilan o'zgartirish, tejab qolning mablag'larni kelgusi budget yiliga o'tkazish, shuningdek, kelasi yil budgeti mablag'larining bir qismidan qarz shartlarida foydalanish huquqiga ega bo'lishlari lozim. Budgetning immuniteti va mustaqilligi mablag'larni tejashga rag'batlantiradi, o'rta muddatli dasturlarni bajarishning uzlusizligini ta'minlaydi. Budgetning mustaqilligi xarajatlarni o'z vaqtida va kompleks amalga oshirish omili hisoblanadi.

Ayrim hollarda idoralarning budgetga oid vakolatlari cheklanishi lozim. Bu, masalan, subsidiar javobgarlik muammosi, ya'ni davlat organlari moliyaviy oqibatlari davlat budgetiga ta'sir ko'rsatadigan qarorlar qabul qilishi va majburiyatlar olishi bilan bog'liq.

Xulosa qilib aytishim mumkinki: Davlat organlari o‘rtasidagi munosabatlar kelgusida pulli tus olishi (ya’ni “xo‘jalik hisobi”ga o‘tkazilishi), hech bo‘lmasa, qisman xarajatlarni qoplash printsipiga asoslanishi lozim. Ayni holda, gap ichki xizmatlarga narxlarni belgilash va balansida o‘zaro xizmatlar saldosi aks ettiriladigan maxsus hisob-kitob hisobvaraqlarini joriy etish haqida borishi mumkin. Birinchi bosqichda bunday transfert narxlari va hisobvaraqlari shartli bo‘lishi, ya’ni amalda pulli hisob-kitoblarni nazarda tutmasligi mumkin. Keyinchalik ular maxsus zaxira fondlaridan ta’milanishi mumkin. Bu moliyaviy instrumentlar o‘zaro xizmatlar oqimlarining manzarasini gavdalantirish, idoralarning oqilona ixtisoslashuvi yo‘nalishlarini belgilashga yordam beradi.

Davlat organining bo‘linmasi boshqa organlarga ko‘rsatadigan ichki xizmatlar hajmining kattaligi mazkur bo‘linmaga mustaqil yuridik shaxs maqomini berish uchun asos bo‘lishi mumkin.

FOYDALANILGAN ADABIYOTLAR

1. “O‘zbekiston Respublikasi budjet tizimi budjetlarining g‘azna ijrosi Qoidalari” O‘zbekiston Respublikasi moliya vazirining 2016-yil 22-noyabrdagi 88-son buyrug‘iga O‘zbekiston Respublikasi adliya vazirligi tomonidan 2016-yil 22-dekabrda ro‘yxatdan o‘tkazildi, ro‘yxat raqami №2580
2. O‘zbekiston Respublikasi Vazirlar Mahkamasining “Davlat moliyasini isloh qilish loyihasini amalgam oshirishga tayyorlanish chora-tadbirlari to‘g‘risida”gi 144-son Qarori 26.04.2002.
3. Mirziyoyev Sh.M. Tanqidiy tahlil, qat’iy tartib-intizom va shaxsiy javobgarlik – har bir rahbar faoliyatining kundalik qoidasi bo‘lishi kerak. – Toshkent: “O‘zbekiston” NMIU, 2017. – 104 b.
4. T.S.Malikov, O.O.Olimjonov. Moliya. Darslik. – T.: “Iqtisod Moliya” 2019. – 800 b.
5. www.lex.uz (O‘zbekiston Respublikasi qonunlari bazasi sayti);
6. www.publicfinance.uz